



Kommunalbestyrelsi 24. September 2020 nal. 10:00

Kommune Qeqertalik Kommunalbestyrelsi
06-2020

Hansen, Ane	IA
Olsen, Peter	IA
Broberg, Bia A.	IA
Samuelsen, Aqqa	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Jeremiassen, Nikkulaat	S, Anthon Petersen sinniisissatut aggersarneqarpoq
Sandgreen, Enok	S
Mølgaard, Timooq	S, Themothæus Inûsugtok sinniisissatut aggersarneqarpoq
Jeremiassen, Otto	S
Frederiksen, Ole I.	S
Broberg, Kristian	S
Kristensen, Naja	A

Ataatsimiinnermi aqutsisoq:

Ane Hansen, IA

Allatsi:

Kulunnguaq Reimer Olsen

Ataatsimiinneq:

Skypekut

ULLORMUT OQALUUSERISASSAT

20-025 Aavartarfinmi Nassuttuumi eqqakkat pillugit saaffiginnissutissaq	3
20-026 Atuarfinni inunnik isumaginnittoq	5
Ilisimatitsissutit	9
20-001 Meeqqanut orniguttarfiit	9
ATAATSIMIINNEQ NAAVOQ:	11
ATSIORFISSAQ:.....	11

Oqaluuserisag	Oqaluuserisassat akuerineqarnerat
----------------------	--

Oqaaseqaatit:

AALAJANGERNEQ:

Oqaluuserisassat akuerineqarput.

Suliap nr.:	20-025	Ilanng. nr		Journal nr.	
Oqaluuserisaq	20-025 Aavartarfimmi Nassuttuumi eqqakkat pillugit saaffinginnissutissaq				

EQIKKAANEQ:

Aavariartarfimmi Nassuttuumi eqqakkat ajornartorsiutigineri annertusigaluttuinnarput. Kommune Qeqertalik Naalakkersuisoqarfimmut kommuninullu saaffinginnissummik allangaqarpoq.

SULIAP SULIARINEQARNERA:

Kommunalbestyrelsimi ilaasortaq Nassuttuup salinneqarnissaanut kissaateqarluni saaffinginnissuteqarnikuvoq.

Aavarfiusartoq Nassuttooq ukiuni makkunani annertusiartortumik eqqakkat tungaatigut ajornartorsiuteqarpoq. Aavariartarfik naluneqanngitsutut kommunit pingasut innuttaaniit ornigarneqarluartarpoq. Taakku kommuni ukuullutik: Kommune Qeqertalik, Avannaata Kommunia aamma Qeqqata Kommunia.

Aavartartuniit oqariartuutigineqarpoq, eqqakkat qimaannakkat tigusinnaasatik tigusaraluarlugit, amerlavallaarneri pissutaallutik tamakkersinnaanagit. Eqqakkallu annertuut oqimaallutillu assartoruminaanneri peqqutaasarsimalluni. Taakku annertuut makkuusinnaasarput: umiatsiaarakut, gummibåd-imut, motor-ikut, orsussamik poorineqarnikut eqqakkallu nassatarineqarsinnaagaluartut akuullutik.

Naluneqanngitsutut tutut malussarissorujussuusarput, aavartarfiillu serlersaarfigineqartartut annertusiartornerani tutut najortagaat innarlerneqariartussallutik. Siulitta aavartarfiit peqqissaarulluinnarlugit piliffigisarpaat, nalunnginnamikku taakku ornittuartussaallugit siunissami. Kinguaaminnullu aavarfiusinnaanissaat qulakkeerusullugu.

Suleqatigiinnitsinni salinneqarnissaat, taavalu paasitsiniutaanissaat aqutissiuussinnaavarput, kinguligut nunap eriaginissaanut kaammattorlugit perorsarsinnaagatsigit. Perorsaaniaruttalu nammineerluta aavartarfimmik atuisutut qisuariaqqaartariaqarpugut.

Aavartarfiit salinneqarnissaat pisariullunilu akisoratarsinnaavoq. Taamaamat suleqatigiilluta salikkutsigit paasitsiniaanertalimmik angusassangut annertunerussallutik.

Siunnersuutigerusupparput ikioqatigiilluta ajornartorsiut alliartuinnartoq suliassatut akisussaaffeqarluta kivissagipput.

INATSIT TUNNGAVIUSOQ:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq

KINGUNISSAI:

Susassaqartut suleqatigiinnissaannut periarfissaqalissaaq.

ANINGAASATIGUT KINGUNISSAI:

Saliinissamut paasititsiniaanissamullu aningaasartuutissat misissorneqassapput.

SULIAP SULIARINEQARFIA:

Kommunalbestyrelsi

INASSUTEQAAT:

Allattoqarfiup Ataatsimiititaliaq INOQARFIK siunnersorpaa

Nassuttuumi saliinissamut Kommunalbestyrelsi aqutugalugu allangaqaammik suliaqartoqassasoq, uku allaffigineqassapput: Naalakkersuisut, Avannaata Kommunia, Qeqqata Kommunia.

ILANNGUSSAT:

Ilanngussaq 25-01 _ Kristian Jeremiassen-ip saaffiginnissutaa

Ilanngussaq 25-02 _ Susassaqartunut allakkiaq

AALAJANGERNEQ: Ataatsimiititaliaq INOQARFIK 3. September 2020 aalajangererat:

Inassuteqaat itingartinneqarpoq. Ataatsimiititaliaq INOQARFIK aaliangerpoq allaffissornikkut suliaq ingerlanneqaqqaassasoq susassaqartut paasiniaaffigineqarlutik inatsisit toqqammavigineqartut misissorneqassallutik qulaajarneqarlutik.

AALAJANGERNEQ: Ataatsimiititaliaq INUA 15. September 2020 aalajangererat:

Ataatsimiititaliaq INOQARFIK -p Inassuteqaataa akuerineqarpoq.

AALAJANGERNEQ:

Ataatsimiititaliaq INOQARFIUP inassuteqaataa akuerineqarpoq.

Sag nr.	20-026	Bilag nr.			
Oqaluuserisag	20-026 Atuarfinni inunnik isumaginnittoq				

Eqikkaaneq:

Kommune Qeqertalik-mi meeqqat atuarfiini tamani Inunnik Isumaginninnikkut siunnersorteqalersinnaanermut misissuisoqarnissaanik oqaluuserisassatut siunnersuut Kommunalbestyrelsemi ilaasortaq Aqqa Samuelson, Inuit Ataqtigiit ulloq 3.marts misissuisoqarnissaanut oqaluuserisaasannortivoq takuuk ilanngussa¹.

Siunnersuutip toqqammavigivaa Nov.2019 -mi Nakuusap Kangerlussuarmi ataatsimeereersuarnerani aalajangersakkat ilaanni inassuteqataasoq:

“Meeqqat atuarfii tamarmik inunnik isumaginninnikkut siunnersorteqalernissaat pisariaqarpallu ilinniartitsisut immikkut ilinniartinneqarsimasut inunnik isumaginnerup tungaatigut ilinniartinneqarsinnaaneri.”

Suliap saqqummiunneqarnera:

Suliamut atatillugu paaserusunneqarput Kommune Qeqertalik-mi inunnik isumaginninnikkut siunnersortit atorfeqartinneqartut amerlassusaat.

Sulisoqarnermut paasissutissat ataani takuneqarsinaapput:

	Qeqertarsuaq	Qasigiannuit	Kangaatsiaq + bygder	Aasiaat
Afdelingsleder	1	1	1	1
Børn & Unge	2	2	2	5
Førtidspensionister	1	1	2	3
Handicap sagbehandler	2	1	0	1
Offentlig og pensionssagbehandler	2	1	1+1+1	2
Støttepersons koordinator	0	0	1	1
Arbejdsprøvning	1	0	0	0

Paasianiakkanut aamma ilaavoq nunatsinni atuarfinni inunnik isumaginnittunik sulisoqarneq.

Paasisat ukuupput:

Sermersuup kommuniani Nuummi atuarfiit tamarmik peqarput Ittoqqortoormiut soqanngilaq, Tasiilami marlunnik peqarput pisariaqartitsineq annertunerummat , Kommune Kujallermi atuarfik ataaseq peqarpoq, Avannaata Kommuniani Ilulissani atuarfik ataaseq peqarpoq, Qeqqata Kommuniani soqanngitsoq. Kommune Qeqertalimmi Gammeqarfik ataatsimik peqarpoq.

Paaserusunneqartutut ilaavoq Kommune Qeqertalimmi, Atuarfik Gammeqarfimmi pitsaaqutit suuneri:

¹ Kommunalbestyrelsemi ilaasortaq Aqqa Samuelson, Inuit Ataqtigiit oqaluuserisassannortitaa.

- Socialráðgivereqarnermi pitsaaqutit tassaapput: Inunnik isumaginnittoqarfimmut qanimut suleqateqatiginninneq aallartippoq. Inunnik isumaginninnermut tunngasunik inatsisunik suleriutsinillu ilisimasaqarnerulerneq.
- Pitsaaqutinu ilaavortaaq suliat sukkanerusumik ingerlalerput. Tassa suliat eqqortumik suliarineqartalernissaat socialráðgiverip qulakkeerniartassuaa.
- Socialráðgiverip aningaasarsiaqartinneranut tunngatillugu, socialráðgiverit isumaqatigiissutaat malillugu aningaasarsiai inissinneqarput
- Arbejdsbeskrivelse socialráðgiverimut tunngasoq nassiuppara – Kommune Qeqertalimmi Inunnik Isumaginnittoqarfimmiut arbejdsbeskrivelse pillugu ataatsimeeqatigerusuppagut, arlaannik ilassutissaqarunik ilassuteqarsinnaaniassammata. Una ersarissaatigerusupparput Gammeqarfik socialráðgiveritaarmat meeqqanut atuartut ukiuinik ukiulinnut suliasat tamaasa Gammeqarfimmut milorujunneqassanngimmata. Imaassanngilarmi Socialráðgiverertaaratta atuartunut meeqqanut 420-inut tunngasut tamarmik socialráðgiveritsinnut ”milorujunneqassasut”. Artukkiissannginnatta.
- Socialráðgiveritta suliniuteqarfissatut siunnerfii tassaapput: Meeqqat (atuartut), Kommune suleqatigissallugu, angajoqqaat suleqatigissallugit aammalu ilinniartitsisut suleqatigineri. Socialeqarfiup atuarfeqarfiullu akornanni pisut sukkanerusumik ingerlalernissaat suliniarfigineqalernissaat aallartippaa.

Gammeqarfimmi inunnik isumaginninnermi suliallip sulinermini isumaqatigiissutaat ilanngussami atuarneqarsinnaavoq².

Atuartut amerlassusii:	
Gammeqarfik	418
Akunnaaq	9
Kitsissuarsuit	6
Ikamiut	17
	450
Qeqertarsuaq	118
Qasigiannugit	131
Kangaatsiaq	76
Niaqornaarsuk	29
Attu	22
Iginniarfik	5
Ikerasaarsuk	17
	149

² Gammeqarfimmi inunnik isumaginnittup sulinermini isumaqatigiissutaat.

Ilanngullugu paasissutissanut ilanngukkusupparput, meeqqat atuarfianni aaqqissueqqinnissami aammattaaq inasutigineqartut ilagimassuk meeqqat atuarfiini inunnik isumaginnittumik sulisoqarnissaa, taannalu takuneqarsinnaavoq,” Ilinniartitaanerup aaqqissuussaanaera eqaatsoq ataqatigiittorlu”.

Kommune Qeqertalik-mi atuarfiit atuortoqassusaat assigiinngitsorujussuuvoq, illoqarfiit pingasut Aasiaat avataaniittut tamarmik 150-t ataallugit atuortoqarlutik. Periarfissatut isigivarput inunnik isumaginninnermi atorfinittussat illoqarfigisamini atuarfik kommunemi inunnik isumaginnittoqarfik atorfik avillugu atofininnissaa³.

Inatsit toqqammavigineqartoq:

Sukumiisumik **INATSISIT** toqqammaviusut

Kommune Qeqertalimmi meeqqanut politikki akuerineqarpoq marts 2020.

- Aqutissiuunneqartussanut immikkullu atorfissaqartitsisunut sullissinerup pitsaanerpaamik ingerlanneqartarnissaa siunertaralugu aqutissiuussineq siunnerfeqassaaq nammineersinnaassusermik ikaarsaaqqinnissamut.
- Meeqqanut inuusuttunullu annertuumik iliuuseqarfigineqartariaqartunut aamma immikkut sullinneqartariaqartunut Kommune Qeqertalik peqatigalugu ulluinnarni inuunerannut immersuilluarnissamik siunnerfeqartumik sullissineq suleqatigiissutigineqassaaq.

Aningaasatigut inissisimanerat.:

Misissuinermi aningaasatigut kingunissai imannak naatsorneqarput:

Socialt rådgivere:			
Trin		Ukiumut	Illoqarfiit pingasut atorfinittoqarpat
44	27.800,17	333.602,04	1.000.806,12
45	28.307,24	339.686,88	1.019.060,64
46	28.828,53	345.942,36	1.037.827,08
47	29.913,99	358.967,88	1.076.903,64

Naatsoruinermi illoqarfinni pingasuni Qeqertarsuaq, Qasigiannugit, Kangaatsiaq inunnik isumaginnittup ukiumut aningaasarsia toqqammavigineqarput. Inunnik isumaginnittup sulinermini aningaasarsiaasa killiffii sumiinneri apequtaallutik aningaasartuutissatut kingunissai nikingasinnaapput. Ukiumut inunnik isumaginnittumik naatsorsuutigineqasooq illoqarfinni pingasuni atorfinitsitsisoqassappat 1,1mio. missaanik ukiut tamaasa aningaasartuutigineqartassasut. Social atorfininnermi isumaqatigiissutaat takuneqarsinnaapput Naalakkersuisut aamma AK (Atorfillit Kattuffiat) ulloq 2.nov. 2017.

³ Ilanngussaq takuuk atorfik inunnik isumaginninnermi qinnuteqartitsinermi allaaserineqarnera.

Saqqummiusaq akuersissutigineqassappat tunngavilersuutit:

Akuerisassanngorlugu inassutigineqarpoq

Ilangussat

- Ilangussaq 26-01_Atuarfinni inunnik isumaginnittoq:
 - 1. Kommunalbestyrelsimi ilaasortaq Aqqa Samuelson, Inuit Ataqatigiit oqaluuserisassanngortitaa.
 - 2. Gammeqarfimmi inunnik isumaginnittup sulinermi isumaqatigiissutaat.
 - 3. Ilangussaq takuuk atorfik inunnik isumaginninnermi qinnuteqartitsinnermi allaaserineqarnera.

Aaliangerneq: Ataatsimiititaliaq INUIT 7. September 2020 aalajangererat:

Illoqarfiit Qasigiannugit, Qeqertarsuaq Kangaatsiarlu inassuteqaammi tamarmik akuerineqarput, ataatsimik atorfinittitsissasut. Gammeqarfik atorfiit marluk piunnassasut. Ataatsimiititaliaq INUA-nut ingerlateqqissapput.

AALAJANGERNEQ: Ataatsimiititaliaq INUA 15. September 2020 aalajangererat.

Inassuteqaat akuerineqarpoq.

AALAJANGERNEQ:

Inassuteqaat akuerineqarpoq.

Ilisimatitsissutit

Suliap nr.	20-001	Ilanngussap normua		Journal nr.	01.00.03
Eqqartugaq	20-001 Meeqqanut orniguttarfiit				

EQIKKAANEQ:

Kalaallit qallunaallu oqartussaasoqarfiisa assigiinngitsunik suliallit akornanni suleqatigiit kommunenut tallimaasunut tamanut tallimanik meeqqanut orniguttarfinnik pilersitsipput, taamaalilluni kommuneni tamani illoqarfimmi ataatsimik pilersitsisussanngortillugit.

Kommuneni tamani ornittagaq ataaseq pilersinneqarpoq, Kommune Qeqertalimmiittusaq Aasianniissasoq aqutsisooqatigiit ataatsimiinneranni aaliangerneqarpoq.

Meeqqanut ornittagassaq misileraatit aaqjissuussineruvoq.

Meeqqanut ornittagaq tassaassooq meeqqat tamarmik 18-nit inorlugit ornittagassaat, nerisassanik siniffiusinnaasunillu peqartariaqartoq.

Meeqqanut ornittagaq qaammammi naasoorfiup nalaani, imaluunniit pisariaqartitsinikkut, nal. unnukut 22-miit ullaakkut 10-mut ammasartussatut inissitaavoq. Naalakkersuisut piumaqarput oktoberimi weekend siulleq ammarneqassasoq, qaammammullu minnerpaamik ataasiarluni akissarsiffiup nalaani ammasarnissaa kissaatigineqarluni.

SULIAP SAQQUMMIUNNEQARNERA:

Inunnik isumaginninnermik aqutsisoqarfik ataatsimeeqatigininerani inissinneqarpoq, Aasianni Qaammaaviup ataani meeqqat atuareernermi kingorna oqaloqatinninniarlutik ornittagaat "Alleq"-mi meeqqat ornittagassaat atulerniarlugu.

Inunnik isumaginninnermik aqutsisoqarfik peqatigalugu illoqarfimmi akisussaasut "Alleq" alakkarterneqarpoq, Aasiannilu suliassat tullinnguuttut ingerlateqqinneqarput ulluni makkunani.

Aasianni Inuit ataanni aqutsisut ataatsimiisinneqarput, siunertaalluni Aasianni kommunemi sulisooreersunik sulisoqarsinnaaneq.

Minnerpaamik sulisut marluusarnissaat piumasarineqartoq malillugu tamanna ingerlanneqarumaarpoq.

Siniffissaasinnaaneranut tunngatillugu pisariaqartinneqartut pisiarineqassapput.

Illoqarfimmi paasisitsiniaaneq piaartumik ingerlanneqarnissaa tullinnguuppoq.

Ukioq 2020 Kommunemut ataatsimut tapiissutit kr. 120.000 naligivai.

Ukiuni tulliuttuni 2021-2023, ukiumut tapiissutit kr. 480.000 naligivai.

	Q4 2020	2021	2022	2023	Katillugit
Illoqarfinnut/nunaqarfinnut tallimanut aningaa-sat immikkoortinneqarsimasut	487.500	1.950.000	1.950.000	1.950.000	
Ingerlatsineq (nerisassat il.il.)	112.500	450.000	450.000	450.000	
Aqutsisoqarfiup tapersiissutaa	83.000	122.400	73.440	55.080	
Katillugit	683.000	2.522.400	2.473.440	2.455.080	8.133.920
(Taakkunanga kommunemut ataatsimut tapiissutit)	120.000	480.000	480.000	480.000	

ATAATSIMIINNEQ NAAVOQ: 10:45**ATSIORFISSAQ:**

Hansen, Ane

Olsen, Peter

Broberg, Bia A.

Samuelsen, Aqqa

Aronsen, Hans

Petersen, Thomas

Kristensen, Niels

Jeremiassen, Kristian

Petersen, Anthon

Sandgreen, Enok

Inûgsugtok, Themothæus

Jeremiassen, Otto

Frederiksen, Ole I.

Broberg, Kristian

Kristensen, Naja
